

四庫全書

集部

# 欽定四庫全書

集部

青山續集卷二

詳校官庶吉士<sub>臣</sub>初喬齡

侍讀臣孫球覆勘

總校官庶吉士<sub>臣</sub>何思鈞

校對官編修<sub>臣</sub>秦 泉

謄錄監生<sub>臣</sub>華春芳

欽定四庫全書

青山續集

提要

臣等謹案青山續集七卷宋郭祥正撰祥正所著青山集已著錄宋史藝文志馬端臨經籍考及晁公武讀書志陳振孫書錄解題諸書止載青山集三十卷均無續集之名此本前後無序跋莫審誰所編次然核其詞意確

為宋人舊本非後人所能依託也案宋史本  
傳祥正致仕後居於姑孰不復干進所居有  
醉吟菴久之起為通判汀州後知端州復棄  
去家於當塗之青山以卒今續集中有浪士  
歌一首自序云郭子棄官合肥歸姑孰自號  
曰醉吟先生居五年或者謂其未老可仕以  
事薦於上上即召之復序於朝俾監閩汀郡  
尋攝守漳南上復召之行至半道閩使者狀

其罪以聞遂下吏留於漳幾三年又自號曰  
漳南浪士云云集中留漳南詩甚多則史所  
云知端州後復棄官者非也此可以補宋史  
本傳之缺漳南書事云元豐五年秋七月十  
九日猛風終夜發拔木壞廬室新昌吟寄穎  
叔待制云元祐丙寅冬新昌有狂寇名探其  
姓岑厥初善巫咒云云按元豐五年至元祐  
元年丙寅正合詩序所云留漳南三年之數

然則祥正被議下吏在元豐五年而其得歸  
也在元祐元年而岑探構亂之事宋史亦未  
及詳據此皆足與史傳相參攷又青山集載  
送蔣穎叔待制拜六路都運一詩云廊廟乏  
材終大用願均和氣及巖幽自注云予已乞  
骸將歸舊廬再送穎叔云雲間驥尾終難附  
梅子黃時公自歸自注云公屢有佳句見約  
同歸復有蒙詔許歸絕句二首其次韻林辨

之長官送別之什云牢落名聲讒謗後支離  
形影瘴氛餘重來仕路誰為援却返家園欲  
自如以此數詩合之續集浪士歌之所自序  
其再出一節事蹟始備惟史載祥正初以薦  
王安石罷官青山集有奠王荊公墳三首云  
大手曾將元鼎調龍沈鶴去事寥寥又云平  
昔偏蒙愛小詩如今吟就誰復知其於安石  
死後尚矜譽若此而續集內有熙寧口號五

首末云百姓命懸三尺法千秋誰恤兩端情  
近聞崇尚刑名學陛下之心得好生云云似  
不類其平生所作然陳振孫書錄解題謂李  
端叔晚寓其鄉祥正與之爭名未嘗同堂語  
至為俚語以譏之其為人不足道則祥正或  
當罷官之後因致憾安石譏刺時政亦未可  
知至其詩筆雄奇兀莽咄咄逼人雖才力稍  
遜於蘇黃諸家要非北宋以下所能企及也



東坡集有郭祥正家醉畫竹石壁上郭作詩  
為謝且遺二古銅劍一首又祥正觀東坡畫  
雪有感二首詩載王氏注中此三首青山集  
俱失載而續集亦無之則知其散佚者尚多  
矣乾隆四十三年七月恭校上

總纂官

臣紀昀

陸錫熊  
孫士毅

總校官

臣

陸費墀

--	--	--	--	--	--	--	--

欽定四庫全書

青山續集卷一

宋 郭祥正 撰

古詩

招蔣穎叔遊丁山彭教寺

閒心樂名山景象恣吟剽昭亭西南隅亂峯最青峭盤  
盤得脩逕豁豁漸明眺一讀道旁碑古興恣雅要知有  
金仙家即往不俟召平田轉回塘飛瓦接危嶠東邊卧

石虎徐王舊墳北但驚深蘚晦不見金碧耀圖形半殘  
缺冷榻孤燈照深篁歸鳥沒空岩雪風叫勅書刊翠琰  
靈跡獲獵燒寒潭多蟄鱗佛子忌漁釣動活各遂性蕃  
衍理可校餘暉初月散幽籟發玄竅中有無心人禪禪  
自相紹問年踰耳順膚色尚如少翻令念達人鴻蒙首  
頻掉時平冠珮繁往往屬不肖豈如棄以歸林泉自投  
跳卓彼蔣夫子詩辭極精妙能來同我遊險絕共長嘯  
終當為君誦古律變新調更評江南事僭迹又足悼不

能降真人卒用焚祖廟訓狐啼老木愁烟起荒藿復有  
貳卿碑曾為參軍弔勇為手勢吟一助玉瓶醕

同蔣穎叔殿院遊昭亭山廣教寺

晴光散餘翳

缺五字

佳辰值蘭芷廣波浴鳬薦潭

潭紫華君左右森矛戈雷電在呼吸玉帛薦牲犧廟食  
溢千載祐民理無訛崔碑夢協吉謝守詩載歌却憇林下  
寺裴顏迹尤多丹青業已晦長髯但皤皤筆畫肖家法  
燕尾無偏頗覽古發遐想緣情還獨哦逢時不榮達惟

金安正卷一百一十一  
卷一  
悴同苦蓑嗒焉姑自喪安之如命何彼美蔣御史道術  
追雄軻嗟予委泥涸有意傾餘波薦士古來重披劍今  
則那書為昭亭篇昭亭岕可磨

同許棲默遊華陽洞

春歸白晝永庭虛民事退尋幽何所之佳賓幸同載出  
門十餘里仙者餘跡在非實固難評洞壑茅可愛綠蘿  
垂長簾秘景得藏晦造深揭葦火陟險汗漸平聲背中寬  
稍可休仰視覆圓蓋石乳忘歲年物象千萬態龍泓紺

澄碧溢溜漸飛灑陰森毛骨寒志往力殊怠磨崖記名  
姓斯遊定難再人生足離合世役異屯泰清風起林杪  
蕭瑟動天籟歸歟亦何求盈筐採蘭艾

同劉繼鄴秀才遊嶽麓登法華臺呈如水長老

南出長沙城西渡瀟湘水誰鋪碧蛟綃迴透黃金底中  
分橘植洲隱若龜背起府邑古稱雄地勢信少比苟非  
仁義圖疇將甲兵洗晚色烟霧開人家明鏡裏斯須捨  
舟楫縱步踏蘭芷遙遙望松門物象愈奇偉枝葉既不

繁霜雪詎能毀傳云陶將軍屯營手植此至今凌雲氣  
猶如大君子纔過清風峽路轉不容跬塵寰自此隔佛  
界朗瞻跂層梯上重門繪塑光煒煒皓鶴去無蹤寒泉  
但清泚遂登法華臺平目瞰千里還驚人世早塹壁徒  
為耳連甍十萬戶羅列在案几想當韓杜時荆棘晦遺  
址不見湘西篇惟誇道林美幸同劉子來縱眎眼不眯  
作詩君莫謙前輩尚可擬揮筆方爭豪求心翻自鄙請  
看梁上題半是人中鬼白髮纏利名何由外生死道師



深悟禪軟語聽疊疊明驅三乘車濟我岍超彼臺名將  
謂何此喻有深理香色存天然了不染泥滓救物運真  
悲得法終日喜

遊雲蓋寺

名山寺多占此寺山尤名妙雲鎮彌覆層層結縵纓日  
光晝微開燦射黃金城木老枝葉簡水長音韻清五峯  
如紺蓮中有樓殿橫是必龍華宮禪禪悟無生一燈破  
羣暗衆燈迭相明紛空青葩墜悲晚孤猿驚予方困邇

途寓宿骨已輕願言永棲此讀盡寶藏經顧盼適所適  
了絕物外營馬秣僕亦飯奈此催北征

遊鹿苑寺

遊遍湘西山晚至鹿苑寺平岡列城郭長松肖兵衛入  
門尤清涼讀碑辨往事乃知阿育王曾此藏舍利浮屠  
當殿陰令人竦瞻視寶網敷金雲倏忽變蒼翠僧云秋  
杪時月靜甘露墜大覺去無蹤山祇自靈異白鹿不我  
逢殘花在巖際居老多壽考安禪信無累筇衲為生涯

心不墜情偽源源聽法語陶陶襲和氣簪紳胡為乎頂  
踵縛憂愧願從從上人預聞第一義煩心沃醍醐頓悟  
超十地聊為鹿苑吟清夢不成寐

遊華陽洞阻雨

此洞昔無聞人跡固稀到一昨紫微遊刻石記所好遂  
令天下知遊者爭欲造我方珮縣印事閒慕高蹈聯鑣  
二三子並堅松柏操樽壘薄攜持丁壯却前導行行逼  
崖巔紫翠射襟帽方疑攀鬱蘿又若堆海潦石門未及

窺忽值山雨暴風雲暗衢路雷電折巖嶠蒼黃僕夫語  
踴躍猿猱叫黃泥濡衣裳安得白日照初遊成歡愉中  
險觸憤懊佛舍距幾何望望目睛眊擊鐙促疲馬十步  
九欹倒登堂亟就榻釋子數相勞尋幽尚齟齬跡入萬  
古耀騏驎步莫追駕駘志彌劭猶期六月來散髮避炎  
燎一雨路阻絕何以為壯少歸歟歌燕詞聊為起同調

介甫先生遊茲洞始作  
記文易花陽為華陽焉

夏日遊環碧亭

登山得斯亭佳賓幸過從取筍蒼玉林置酒黃金鍾願  
言壽而康泰運寧易逢孔子陟三事堯舜乘六龍民財  
皆辦析田壤仍登豐關關禽語聲翦翦木影濃濯足就  
綠水披衣攬清風微吟百憂散達道千古同諸君況才  
豪如羅復如熊莫辭爛醉歸皓月還生東

和穎叔丁山黯字

寒日少晶光山色亦慘慘瀑泉凍不飛啼鳥聲頓減傳  
呼繡衣來僧鼓擊坎坎石坐無羶裯團團織蒲莢比為

泉石遊固已慕清淡愛君神采瑩皎若白玉鑑一登林  
際亭毫髮無遺暇勇起發孤唱四坐喑莫闕君辭如太  
羹我語效鹽鹹卷旗促降敵賢將釋不斬雖生已包羞  
鉛刀竟誰鑿却讀道旁碑往事增新感功名能幾何回  
首歲時暫胡為奪浩氣百憂煎一膽趨時既迅遭獨往  
固勇敢白雲無人爭皓月從我攬開樽直一醉莫驚別  
袖摻明發何所思

缺五字

和梅謙叔丁山吃字

臘月夜未綿兩股凍成疾誰復為我扶平步時時蹶丈  
章那更論精魄恐墜失緣何御史君相招傍寒日迤邐  
造林泉塵全為披拂霓幘雲外垂石虎草間出深門窺  
沈寥拱木遞蕭瑟丹青與老碑遺事知髣髴僭跡已榛  
蕪新遊論膠漆主人才何如驥足千里逸梅君南昌後  
襟韻猶淒凜劉子亦可奇象象久精詰顧予最空疎百  
辨今已吃謗言來戈矛自量幾不密終甘首陽餓豈效  
操瓢乞

酬穎叔見寄

鏗鏘南華經語意妙復妙高能出蒼旻卑不厭藜藿陰  
靜偶暫處隱跡兩莫弔息踵真人徒息喉愚者紹方同  
造物言萬變領樞要既能無怛化勿鑿混沌竅百家拾  
其餘所得及遺溺至音聽以氣世或昧此調不見杏壇  
講猶為漁父誚君看泰山頂半夜日先照惟逢蔣穎叔  
沉默造玄窵落筆逾萬言嚴密若誥詔嗟予久聾瘖此  
道雅未剽一昨聞君談神悟百骸療人忘道術遊魚忘



江海跳昭亭果見期為子發長嘯

秋水閣席上呈穎叔原道

吾愛秋水閣水影照采椽瑩碧不知極定與銀漢連荷  
花十丈開白藕想如船雙鶴時一鳴寒霄下迴旋況復  
對羽客豈異蓬萊仙便當沽玉液猛飲明月前人生不  
嗜此何物能逃年請君傾醉耳松風奏薰絃身世能兩  
忘安用養浩然夢覺事已殊此道誰能全馳驅冠劍徒  
百歲猶倒懸深深下與地冥冥高出天君語達已達我

歌玄復玄大笑問劉子細窮秋水源秋水源可到更寄  
琳瑯篇

酬耿天隲見寄

追維平昔遊十幾喪六七與君雖尚存蹉跎各衰疾功  
名無幾何歲月忽已失倂來辱新詩欲和久閣筆文章  
老愈精光彩爛星日市門果神仙參軍真俊逸又如關  
沙漠鐵騎萬餘匹一戰孰與當百勝得深術有過懼不  
聞愚惡志所嫉言歸潔其身天命能自詰知音我愈寡

深谷詎敢出

君作潔歸堂遂有退居之計而勸予出就仕

相望止一江高議

容接膝請觀商山皓寧甘守蓬蓽衆人拉其華君子俟其實定當卜鄰去攜手藏於密

酬李公擇謝予贈范李猿獐

黃獐雄領雌青猿母抱子一落罝網中城市就生死不如圖畫上山深石泉美永無罝網憂精神自全耳愛之寫橫軸容易披案几動靜適自感物我忘表裏猶疑跳摸去毫端詎能止易生名獨擅斯人嗟往矣後來稱范

李贈君君勿鄙縱令筆未妙猶勝負塗豕

同陳公彥推官登峨嵋亭

新亭彼誰構名因翰林揭惟南極空曠朗詠佳興發傾  
蓋忘形骸輒莫歎華髮歸帆天外低渡鳥雲端沒中原  
崢嶸際天塹限楚越寧知承平來但見山花歇君相方  
聖賢胡為念京闕但窮林泉樂躡屐上嶠岵酒量孰先  
降樽罍未云竭欲尋太白墳草間迷斷碣神交無古今  
清風來飄忽征轡還催人東峰掛寒月

穎叔見招赴何秀才家飲

鞭驢赴君招十步九蹶促相逢即忘勞深園坐重褥  
恍疑出塵寰氣象豁雙目名花散天香仙露浥柔玉  
寄樂方寸間豈必待華屋脫屣遠市朝散髮免羈束  
更聞誦新作字字芝蘭馥堆盤櫻實紅滿尊醅醕綠  
幽歡未言歸酒令不須督平時嘗卷舌動靜畏險俗  
玄談今盡傾我難愜君欲朝聞夕可死悟矣無遲速  
感君傾醅酬酒吾久饑腹又如旱田禾沛然甘雨沃  
主人意殷懃呼兒

金上八七五 卷一  
具燈燭誰家有斯客貫衣心亦足明朝得長篇調險不  
可續

和公擇觀李煜書法喜禪師碑

五代迭凋喪江南最偷安三世弄翰墨煜尤可觀禪  
林榜法喜妙勢如飛鸞塵埃一藏晦皴斲羽翰適逢  
集仙守好古將摸刊振襟自披拂塗飾粉與丹呼僧辨  
遺像髣髴存纖紈作書究本末風雨生毫端精神還故  
物霹靂驚蟄蟠幽光亦煥發令我復長歎念彼士君子

窮年抱饑寒不及奇古踪泯然知遇難

和樊希韓解元

君馬一足病瑣瑣阻行邁况復梅雨天坐卧不能快空  
山無大臠何以具君噉墻根採肥杞湖濬買鮮鱸開樽  
薦濁酒高論幸忘憊寸心拔茅塞兩耳扶雙瞶文醇潛  
大和詩險露幽怪聯吟極物象君勝我屢敗東野久龍  
鍾多慚退之拜奇才必自重雖黜愈勿懈卞璧未遇時  
在璞豈能壞鑒賞一日逢青紫信如芥君行且遲留馬

金匱要略卷一  
病願未差貫衣亦何辭庶用接嘉話

和公擇遊壽聖院啜茶題名

使君尚清淨攜客無杯肴茗酌誦佛經塵緣頓沉拋疎  
雲墮簷際微風汎林梢吾心已皎皎我學豈譎譎毫端  
題名姓識此逍遙交

和法宗上人月下懷故人

山沉江海濶月行天中央遊子宿何許只應歸夢長浮  
雲且莫生星河助餘光徘徊問孤影惆悵安可忘



酬耿天隲見寄

我思昔人言處世猶大夢塵編堆牀頭撫事聊一誦興  
衰繫時運賈誼爾何慟又思東方朔為鼠知不用誰逢  
胯下兒能領百萬衆勢去競詆排功成乃歌頌人情豈  
相遠此理古今共桓桓耿夫子策射金榜中老彼澗底  
松未作明堂棟暫來令句曲尋仙造深洞摩挲瑤琪花  
借問誰所種開落既忘年一奏熏風弄詩言此歸隱不  
戀五斗俸何時定掛冠我願為僕從

和韓求仁推官

終日汨城市閒心眷犁鋤故登原上亭解此塵中裾芬  
香採薇蕨馴狎憐麋狙却願物理變四角生我車

樊山

即孫權郊壇祀天之處壇今尚  
存謝朓詩云樊山開廣宴是也

漢室火符熄羣雄起縱橫兩京蕩為墟萬里無農耕曹  
操劫神器欲竊禪讓名吳蜀恥北面鼎峙方戰爭殺人  
如鱸魚天地厭血腥至今武昌邑尚傳吳主城長江吞  
八極圓壇窺杳冥想當裡郊時志勇掃攬搶燼柴封玉

牒冠弁羅公卿登山錫燕喜目光爛旗旌寧知後嗣弱  
壯業竟無成空餘舊基址千載未欹傾常時屢掩卷每  
讀涕泗盈而況泊舟櫂披榛自徑行霸圖何所見芳草  
與雲平晚浪淙石脚猶疑兵甲聲

觀怡亭序銘

有唐三百年絕世陽冰篆最憐怡亭亭筆畫兼衆善磨  
崖深雲間人跡到應鮮亦如大君子隱晦久而顯裂素  
印麝煤字字未訛舛冰凍垂瓦石犀尖利刀剗連環不

可解虬尾勇自卷誰云摸以刻曾是玉工碾銘辭志尤  
弘雲翼待風展琳琅諧八音雅重參二典英豪逢一時  
江山供廣宴遺蹤逐飛鳥舊址沒榛蘚良朋信稀遇古  
興浩難遣吾宋垂百年教化固非淺人人擅文翰比唐  
殊媚軟作詩聊自警中道尚可勉

殊亭

元次山為武昌令馬尚才殊行殊政殊亭殊而名之吳子恭云元碑近為俗令碎之矣

昔人才行殊亭名至今在何年復基構勢壓鯨鼉背中  
間鄙俗令元碑遭睚眦豺狼爾何營龜螭手親碎甚哉

憎疾心曾不校異代吾將掇其餘補刻尚可再仰瞻天  
宇寬俯眎江流大危危一葉舟故欲萬里邁差池想遺  
風雲山有殊態

石門

雙崖屹然起剔蘚認題識乃知賢令尹曾同漫叟醉落  
景正西盡長川自東逝唯此兩石門不開亦不閉

郎官湖

即李白以張謂  
愛湖而名之

張公昔愛湖湖名自公始寥寥三百年逢秋愈清泚移

船菱荇香游魚數潁尾回望武昌郭樓臺碧天裏石照  
瀉靈光湖波皓如洗此景絕世無愛之心無已緬懷昔  
賢期林表清風起終當歸結網來此養衰鄙

怡亭

裴虬作銘李莒八  
分陽冰篆序存焉

英才欣會遇曠懷各無瑕二李妙分篆裴銘語尤嘉盤  
盤虬奮鱗灼灼月吐華天影望不盡鴈行飛屢斜晴雲  
依晚岫芳草接平沙東溟與西塞吾寧辨渚涯

醉石

裂嶂飛寒澗絕壁散明珠盤石偃中塢修林陰翳敷世  
道紛莫救逸人此提壺一酌寄乾坤回首忘車書山花  
謾相笑山鳥徒相呼更逢山月來夜響真笙竽粹靈淘  
耳目幽獨寧賢愚留蹤千載間遊子空踟躕清風起木  
末餘涼生坐隅浩歌歌去來逸韻凌遙虛

峰頂

登山不辭險探景須窮幽行徹五千仞回首視九州人  
寰莽何處大野蒼烟浮更酌天池泉古意空悠悠

洞庭阻風

南風吹炎蒸歲望固已休怒濤掀洞庭信宿留歸舟沙  
場萬里寫大壑羣龍投陰靈孰爾職曾無與天謀崩山  
作深潭深潭變高丘上天有號令豈汝可自由朝蠅徒  
啞啞暮蚊況啾啾歸興邈以阻觸緒增新愁安得跨白  
鹿山行肆悠悠誰能守荒浦泛險終何求

濡湏山頭亭子

孤亭壓危峰絕景入平眺雙崖控巢水禹力萬古耀林



傾乾象闢濤淙地軸掉茅茨數椽屋噫哉魏武廟心殊  
岐山伯跡異甘棠召荒戍傳遺靈血食豈無誚吞吳勢  
雖壯晉起國旋剽樓船戰士去滄滄盡魚釣平時顧何  
為覽古謾長嘯愁烟起孤壑白鳥聚殘照誰令五月來  
不見萬山燒又復想大雪下山玉巖嶠重遊莫能期將  
歸且停趨詩辭搜亦苦物狀竟難肖終篇寫亭壁翻慙  
畫師妙

謁桐鄉張府君廟

桐鄉富山水此地最深秀諸峰合屏圍二岡屹龍鬬谷  
暖禽語滑岸東溪聲逗老木如巨賢森衛備前後神功  
金刻存廟古何年搆衣冠近唐人名字嗟莫究憫旱鞭  
怒蛟深潭此身仆明誠動蒼天雷雨洗白晝至今福斯  
民血食固宜厚予生本屯賤竊位憂致寇約身既多缺  
何以撫耆舊况瞻賢達迹彼美松柏茂芳醪薦樽爵馨  
蔬實遵豆悠悠神之思餘光破昏愁歸歟歌蕪辭聊用  
答靈祐

# 大風

一鳥忽驚鳴衆鳥高下噪飄風自南至泓泓結陰瀑須  
臾江濤翻石裂巨木倒禾麻安更論畦隴潏若掃蒼天  
本好仁孰使風伯競有叟重咨嗟吾年行已耄此風未  
嘗見神理所誠告我因諭彼儂天地廣覆燾噫氣亦偶  
然何必泥應報掉頭不吾顧植杖復悲悼

## 蘭陵請雨

夜半何所適請雨之名山蘭陵古仙府妙迹殊可攀秘

文呼螭龍舒鴈薦層壇屏氣注誠想百靈啟玄關綠章  
封事奏金闕承恩還林風生泠泠澗溜添潺潺遙峰靄  
冥霧倏歛迷迴窾殷雷無猛威激雨增微瀾寧獨濡枯  
焦永願清塵煩

觀雨

不雨九十日火氣流郊郭空山渴虎兕涸泥困龍魚農  
事固騷屑令人但長吁渺思真宰意反復竟何如去歲  
百川溢園田變江湖南民遂乏食十九棄路衢那聞今

秋旱性命當無餘祀龍稽往法擊鼓煩羣巫殷殷百里雷  
奮自東南隅陰雲隨電合密雨應時須馳驅蒼黃際慘  
淡氣色蘇登樓注遠目百憂聊滌除銀浪徹平地玉繩  
迷太虛日月洗塵坭山川改焦枯法宮朝大舜冠珮皆  
鴻儒況當禮樂新百靈共持扶和氣自茲肇風雨安敢  
逾欲傳千歲音詠言愧靡蕪

春日懷桐鄉舊友

二年桐鄉邑乘春覽榮芳日日遶花樹與客傾壺觴况

有青澗泉潺潺穿北墻容為方廣池白虹卧危梁誰磨  
青銅鏡朗然紅粉粧唯恐浮雲來遮我逍遙場舞娥回  
皓雪笛叟鳴鳳凰醉則卧花下所惜徂春陽作詩數十  
篇素壁揮琳瑯詔書徒幕府籠鳥無高翔却治歷川獄  
幽憂坐空堂有女殺其母逆氣凌穹蒼郡縣失實辭吏  
侮爭持贓辟刑固無赦何以來嘉祥高垣密閤禁但覺  
白日長茫然思舊遊今成參與商世網未能脫樂事安  
可常吐嗟勿重陳昏昏燈燭光

東望

歷陽望姑孰撫掌衣帶隔却瞻天門山落日一雙碧不  
如雲中鳥自在鼓兩翼冠裳漫羈紲髮綠今已白功名  
隨浮烟所得乃祿食天兵下安南獠穴須滅跡騰山吼  
貔虎跨海轟霹靂殺氣暗南溟萬古一洗滌借令伏波  
在縮手定歎息男兒逢此時弗往荷矛戟胡為守文法  
銖銖較朝夕終當解官去大艦掛長席乘風捲雲濤載  
月奏玉笛不作凌烟人猶為釣鼉客誰能對鄉關跬步

歸未得

把鏡

念念遞遷謝新新采未停把鏡覽素髮不覺今年生生  
世能幾何焰長燭愈短勸吾杯中物到手莫辭滿陽春  
纔爛漫花片已飛舞紛如晴後雪半作燕巢土堯舜竟  
何在楚漢空戰爭勝負一日事寂寥千載名隱几聊自  
悲悲竟復長嘯真體元空無誰與我同調

望白紵山



隔江望白紵蔥蒼壓牛渚却憶跨黃犢渡橋溪東去悠  
悠登此山直待圓蟾午汗漫丹湖水萬頃浸天宇北斗  
酌不乾光炯反吞吐諸峯若案几白雲俯可取覽景壯  
我懷長謠念前古傳聞桓將軍置酒領歌舞雄風回秋  
霜英聲散鼙鼓寧知千載後荒榛老狐鼠男兒及時樂  
一餉亦足許前年翰林公

張唐公也

絕頂構堂廡我方客沅

湘盛事未能睹及今佐肥幕治獄歷陽府注目聊獨吟

何時達庭戶

合肥何公檜部使者楊公潛古命予賦之

合肥有老檜得名自何公何公何代人名迹了莫窮高  
枝偃羽蓋低枝卧蒼龍盤根徹厚地疎影落寒空荏苒  
九天碧仍為烟霧濛相傳魏武帝解甲休鐵驄嘗坐此  
檜下吞吳未成功至今晦暝夕往往揚英風我公心好  
古清標聳千峯鑒賞揮巨筆丹青孰為工璨璨發明玉  
琤琤叩絲桐談笑走兵役垣墻密泥封拂拭枯折榦一  
助春風融願回拔山力移植明光宮

懷平雲閣兼簡明惠大師仙公

跨空起高閣北望敬亭山白雲無根蒂舒卷隨風還或  
墮溪水上却縈松石間就之既明滅了然不可攀謝公  
賽雨詩千秋瀉潺潺李白弄月處寒光湛清灣神交自  
冥合髣髴眉睫間使我戀此境每來終日閒如何一揮  
手失勢落塵寰功業復未就但驚鬚鬢斑滄浪不可濯  
執熱長汗顏緬懷大道師焚香坐玄關悲心度羣苦振  
錫鳴金鐃行當稟慈誨惠照開昏頑

和耿天隲見寄

熠熠陽氣動春事不可禦君家富林園宴豆樂賓主況  
當解官歸精魄盜六腑或乘青板船縱纜東溪潄溪光  
如碧玉皓月無人取信哉浴乎沂點也丘所與又聞全  
於天卓越莊周語我方治幽獄歸期日日數讀君新詩  
章對面若吳楚

又

猛風卷長江驚湍勢莫禦虬龍元噴薄陰怪豈無主扁

舟未能往何以慰心腑想君東城居林花爛溪澣濁醪  
初醖醑豚鱗又新取論詩予素降泛愛君獨與一聞韶  
獲奏卷舌欲無語却瞻項籍祠繪畫安足數悵然歸虞  
兮炎漢已得楚

對酒愛月示客

誰云月無情那知月有情我住月亦住君行月亦行致  
此一壺酒都忘千歲名胷中各有月莫遣暗雲生

望牛渚有感三首

金匱子 卷一  
身滯歷陽浦心傾牛渚雲聖人開六合於此渡三軍霸  
氣掃無跡神功千載聞明朝有歸興石上洗塵紛

二

遙憐牛渚磯柳帶拖春綠歸思無時關斷雲聲自續更  
聽漁父吟悠揚寫心曲何人效斯人烟波洗雙足

三

江迴偏留月山空不住雲遙憐李太白曾憶謝將軍帆  
影隨潮上樵聲隔岸聞柳花迷客眼三月雪紛紛

轂轂

轂轂復轂轂怪禽安用啼杏花已爛漫月色正相宜提  
壺取新酒酌我金屈卮行恐風雨來亂紅辭舊枝尚恨  
碧城鐐阻邀白雪姬耳邊無清歌素飲方自怡爾何騁  
鳴聲彈射不肯飛初出厭爾聒既久不復疑但能怖愚  
俗又足驚童兒天翁造爾軀無乃私自欺爪吻異鵬鶚  
安能司禍機又不似羣鳥凶報吉亦隨白日竄深棘夜  
鳴殊不棲勸爾勿轂轂鳳凰忽來儀

登歷陽城望凌歊臺

平昔登凌歊西望歷陽岸江空蘆葦濶日落烟霧散  
倏然別鄉國三載客淮南賞心不復有離渚但紛亂  
邇來治冤獄文字堆几案置之步城堞山川却對面  
崔嵬浮圖出巨筆挿天半秀色凌丹青長臺蘸河漢  
翻思宋武帝此地嘗壯觀美人厭煩暑揮衣待霜霰  
流芳千歲間陵谷未云變碑陰杜牧題缺玉稍可辨  
歸魂招不得舊土常情戀時作梁甫吟清風忽吹斷



懷當塗石城寺

城東二十里寺有古石城過盡綠桑野還依流水行水  
窮山亦合老木一區平蘚留虎豹跡巖多猿狖鳴樓殿  
橫澗陰像塑鉛黃剝庭中有高花碧葉抱丹渥不知何  
歲年春容鎮柔濯山僧亦龐眉發語頗真樸却讀羅秦  
碑始知征戰場赤谷納箭血夜鬼嗥冷創雲霧第黯黩  
英雄今則亡誰建大法宇救援弘津梁每來即忘還覽  
古恣吟眺沿崖采菖蒲興發輒長嘯偶隨辟書起末路

金史卷一百一十五  
卷一  
遂難料十年未能歸應為山僧誚

昨遊寄徐子美學正

念昔未弱冠與君昆弟遊各懷經綸業壯氣凌陽秋知  
音得表宰鑒賞稱琳瑯君家天地崩泣血城南陬釋服  
就鄉舉名姓必見收數為禮部黜嗟命寧怨尤子山僅  
五十感疾遽不瘳子美如孤鴻哀鳴大江頭其聲最酸  
楚聞者皆涕流有才多困蒙此理不可求我初佐星子  
老守如素仇避之拂衣去寓跡昭亭幽篇章自此富寫

詠窮歡憂慈母待祿養復尉湓浦州隨辟宰環峯碌碌  
三載周纔歸遭酷罰五體戕戈矛旦夕期殞滅餘生安  
敢偷粗能襄事畢寒餓妻兒羞復入湖外幕萬里浮扁  
舟幾葬江魚腹迭遭百端愁到官未三月間疆預參謀  
招降五萬戶給田使鋤耰論功輒第一謗語達冕旒得  
邑敢自訴斷木當沉溝兒女相繼死泣多昏兩眸脫去  
殊未能游鱗已吞鉤春風吹瘦頰黃塵蒙蔽裘纔趨合  
肥府又鞠歷陽囚荒庭忘歲月忽見花枝柔清明動鄉

金史四  
卷一  
思一水嗟淹留却憶藏雲會玉盤薦珍羞高吟凌李杜  
猛飲哈阮劉野寺想如昨遊人今白頭倏忽三十年老  
大功名休日轂不暫止吾生信如漚有酒尚可醉餘事  
皆悠悠

送宋前之赴調

東岡送終畢北堂待榮養短筇跨羸驢西風吹祖帳玉  
盤堆鱸鱠金船倒新釀勸君當勇去回首勿悽愴胷中  
五千卷立事須少壯揚名永不滅孝節乃可尚長安集

紛華出處慎所向肯為聲色惑一婢百金償不知粉黛  
蠹血氣迷凋喪胡為發斯言期予以相將

青山續集卷一

欽定四庫全書

青山續集卷二

宋 郭祥正 撰

古詩

浪士歌

郭子棄官合肥歸隱姑孰一吟一酌婆娑溪上自號  
曰醉吟先生居五年或者謂其未老可仕以事薦於  
上上即召之復序於朝俾監閩汀郡尋攝守漳南上

復召之行至半道閩使者狀其罪以聞遂下吏留於漳幾三年郭子一吟一酌逍遙乎一室之中未嘗有憂色又自號曰漳南浪士客或疑而問焉郭子曰士有可以憂有不足以憂者仰愧於天俯愧於人內愧於心此可以憂矣反是夫何憂之有作浪士歌以釋客問

江上浪如屋海中浪如山浪士乘浪舟兀兀在浪間浪頭幾時息士心殊自閒死生生死爾浪歌聊破顏



戴氏鹿峯亭二首呈同遊

開亭面鹿峯白鹿每經過忽銜落花去還來卧青莎仙  
者不可見孤峯但嵯峨疎篁映秀木好鳥鳴相和飛泉  
洒天窗六月涼氣多賓朋四五輩飲酒朱顏酡璆琳粲  
明質芝朮芬長哦皆為廊廟器偶會林泉阿潘溪與桐  
廬回旋竟如何却笑晉右軍弄筆憐白鸞

又

未能騎黃鶴高飛出塵寰且來跨白鹿隱見蒼崕間誰

為鹿峯亭名聞戴氏園仙者去已遠卷簾對青山秀木  
染深塢鳴泉掛危欄春風吹綠鬢皓月頽朱顏賓朋合  
簪履昆季芬芝蘭黃鶴安足騎白鹿不須跨但願有濁  
酒長嘯此峯下醉醒醒復醉黃金任高價

陳安止遷居三首

陳子勇於退退無十椽屋鄰家頗好事借宅竝

蒲浪切

山

隩堂廡稍寬靜垣墻亦新築春渠漲朝雨涓涓漱寒玉  
呼兒種瓜果教僕洗松竹身雖在城郭志實寓磻谷誦

持方廣經一食止蔬粟所喜遠羶腥佛事要清肅弗學  
陶長官持盃媚秋菊弗學屈大夫含悲葬魚腹唯慕金  
粟老不二常具足若許浪士遊時時跨黃犢

二

陳子貧無居東家借茅屋達士寧羞貧四方所居隩乎  
臺荔陰下天匠資爾築青分一畦蘭綠種萬竿玉幸遭  
文明運志豈效孤竹又非遠人音欲以逃空谷脩然置  
藤榻示疾肖金粟呪飯施諸鬼夜來風肅肅嗟予在羅

網未暇親杞菊憂愁無端來刀劍攪胃腹渺思泛滄浪  
期君濯雙足時或臨大野泥耕看健犢

三

彼美隱官隱蒼林映深屋俗駕遠庭除佛像鎮堂隩蘭  
芷稍扶疎荆榛已鋤築沉思第一義修持若礪玉覺城  
開迷雲魔軍當破竹接人有餘地拔我出坑谷齋羞復  
招要甘香蒸黍粟永與羶葷辭既飽精神肅石坐觀枯  
蒲茶甌泛新菊醍醐灌諸頂飢火滅空腹昔聞居士飯

一鉢萬人足君若乘三車願為車下犢

喜雨

陰雲海上來飄風亦隨至  
填空翻猛雨溢溜迸平地  
豈惟滋稼穡高視掃瘴癘  
羣山各藏晦萬壑恣吞噬  
蚊蠅暫驅除草木起憔悴  
榕枝碧如染荔子紅欲墜  
呼兒索杯盤四體襲涼氣  
豐年固有兆此雨信嘉瑞  
一人堯舜聖三公夔高備  
陰陽茲調和樂飲真吾事

寄題留二君儀田園碁石亭疊韻二首

磐石發天巧新亭君所營  
席展瑤琪滑坐久寒陰生  
遠瀑曳修幔他山列蒼屏  
水田白鷺下霜樹青猿鳴  
回首同安縣殘陽樓觀橫  
不逢車馬來時愛牛羊  
經童僕種穫畢父老樽壘傾  
昇平信難遇歡笑聊舒情  
况歌李杜吟字字無淫聲  
春來成幾章想有碁石銘

人世無百歲塵勞枉營營  
豈知田園樂歌嘯送餘生  
况同盤石上開亭石為屏  
卷簾春雨足洗耳松風鳴  
孤鳥望中沒淡烟山際橫  
時復命兒息講道或傳經  
經罷哦五言珠璣江

海傾嗟我無羽翼往適幽憂情

原缺  
二韻

同蕭英伯登陳安止嘯堂

食訖雨初霽相將陟高臺縹緲臨諸峯幔卷濃雲開秀  
特不可躋擎天碧崔嵬漳流欲赴海澎湃西南來陰陰  
荔子木合抱何年栽幽鳥轉枝語清風與春回佛宮四  
面出紺碧疑蓬萊寓隱得斯地足以攄君懷方庭有蘭  
芷近郭無虎豺萬事不掛慮長年效僧齋一為孫登嘯  
而與數子諧顧我病且老况復時運乖兒歸半道死旅

棺未葬埋破甑已棄物乃非君子儕從遊得無玷泯默  
甘擯排

送廣東漕孫知損失官歸汶上

平生愛東州土厚人不罄見公惜已晚達論聳予聽五  
馳使者車中道罹陷阱開懷無怨尤得失兩以正歸程  
萬餘里脩然一烟艇鄉關今非遙踴躍理三逕進則仗  
忠義退則樂溫清高卧固無必求才堯舜聖亭亭南澗  
松愈老節愈勁柔柔水中蒲涵春自嚴靜百年未闔棺



安之吾有命

讀陶淵明傳二首

我愛陶淵明超然遺世想一奏無弦琴妙曲寄元響脩  
然聽以氣萬籟應諸掌舟車就所便丘壑信孤往泉涓  
木欣欣酌酒助俯仰酣醉頽雲烟舒嘯逸羅網斯人孰  
可見夢寐期髣髴兀如南山松亭亭植千丈

二

陶潛真達道何以避俗翁蕭然守環堵褐穿瓢屢空梁

肉不妄授菊杞欣所從一琴既無弦妙音默相通造飲  
醉則返賦詩樂何窮密網懸衆鳥孤雲送冥鴻寂寥千  
載事撫卷思冲融使遇宣尼聖故應顏子同

普利寺自周上人高明軒

世人孰無累貴彼方外人超然雲霞趣迴脫生死輪周  
也漳南釋開軒瞰漳濱山光并水影二物長清新尤愛  
明月夕蒼林變金銀焚香坐軒上時或要靜賓幸無歌  
吟喧得與麋鹿馴嘗茶煮山藥長養菩提因豈慕富且

貴寧憂賤與貧我來勿厭數從爾陶天真

同留二君儀登高明軒

羈客厭卑濕登軒喜高明紅日簷下度白雲窗半生并  
吞山川秀映帶樓殿平舟航濟吳楚笑語落蓬瀛春風  
時一來百鳥相和鳴隔牆酒可沽千金為君傾既絕世  
上趣雅遂林中情勿云暮靄合更望孤蟾升

同陳安止登高明軒

有客樂清淨喜為林下遊茲軒高且明駐策同其休目

界既朗徹心官欣自由棄祿慕居士讀經親比丘雲樹  
樵聲遠石層春水流鳥羽瑩可數花光暖爭浮已知隔  
人寰日落山更幽適此悟無生餘事安足求

題淨惠寺

方塘水未漲荷芰新展綠遊子愜輕衣步與孤雲逐初  
臨寺外橋已聽鐘聲肅徐登山後亭蔥蒼翳松竹諸峯  
却羅列龍蛇互奔觸紅綃卷晴霞白雲落孤鶩了然身  
世忘豈念冠帶束平時謬持節善地甘厚祿更窮泉石

樂曾未伸啓沃何以報君恩堯天漫凝目

題淨衆院贈蒙禪伯

南州三百寺此寺最輝煥石開千丈渠泉飛日華亂供  
僧無定員連牀接雲漢經營始十載物物悉已換上人  
固多才不獨悟禪觀其師老黃蘗簡肅衆所憚承音既  
親切妙頂醍醐灌登門已清涼定步濟彼岸融融接軟  
語羣疑自消泮每遊即忘還微風洒塵汗

題月淵亭

仰攀明月輪俯瞰滄海淵乾坤惜形勝此地何其偏靈  
溪九龍躍仙山一峯圓微紅散晴綺遠碧襯瑤烟幽香  
發野秀接語皆老禪緣何近城郭了無人世諠邂逅攝  
邦守所樂多林泉唯憂代者至不得經殘年老矣寧復  
來吟哦強留連他時考陳跡不滅斯亭篇

送范端仲推官

范君建陽客讀書過萬卷下筆又神速數預賢能薦省  
闈復擅場聲名動海縣一投紅蓮幕阻上金鑾殿志氣

老不哀苦栢冒霜霰當塗少知己薄祿勢所戀君子因  
下僚佞士即華選顧我鶩散才攝守頗優便公庭可羅  
雀雲山復對面坐卧臨清風吟哦揮羽扇相逢始相樂  
瞥去若驚電君行我幽獨送君聊自嘖

池上晚景分得上字

秋風何處來蕭然洗炎瘴時要二三子臨池倒嘉釀逢  
辰既昇平覽景又清曠寂無人世喧頗覺神魄王雪鷺  
集滄洲金烏沒青嶂悠悠漁笛還漫漫潮痕漲黃蜂立

蓮葉頰鯉吹萍浪始信莊生言觀魚樂濠上

漳南書事

元豐五年秋七月十九日猛風終夜發拔木壞廬室須  
臾海濤翻倒注九溪溢湍流崩重城萬戶競倉卒萬牛  
豈復辨涯渚恍已失嬰老相攜扶迴首但悽慄憂心漫  
如焚救疹竟無術憶昨攝印初歲望頗云吉田疇時雨  
足秔糯各秀實胡為兆陰怪平地遭滴汨尤嗟梁棟材  
中道摧折畢日月有常度金行正蕭瑟疇咨風雨師殘



害皆天物天心本好仁忍眎久不惜況今大上聖治具  
嚴且密騎馬藏民間教兵授神筆四夷還舊疆百辟奉  
新律固宜集和氣祥瑞為時出緣何漳南民憔悴抱愁  
疾終當呼長鯨一吸見蓬華

臨漳亭觀水分得大字

憂民登危亭注眎萬里外溟濛雲氣浮勢與江海滙蒼  
山恐低沉沉復問畎澮未麻安更論老稚念顛狽蛟鼉  
自出沒牛馬失向背雨師恣侵凌人理亦可罪殷殷非

雷聲遠近屋廬壞君臣正逢時上下宜交泰驅雲清白  
日朗徹照幽怪一雨即瀰漫孰謂乾坤大

送孫公素朝奉還臺

暑雨正鬱陶流汗坐深甌忽聞公素來清風先滿徑高  
談別後事琳琅發吾聽聽之復何如五月冰雪瑩况逢  
至治朝日月開二聖大臣用老成羣辟要方正如公亦  
幾人尚未擢諫諍浮舟每經年山川寓幽興皇皇歲華  
晚曳屣漫吟咏行矣勿徘徊金門待新命

題妙勝院西軒并贈權師

老木不知年蒼藤已垂地高枝生晚陰低枝散涼氣好  
鳥時復來鳴聲似絃吹道人開小軒幽庭增廣庇龐眉  
霜雪頂休馬釋塵累餘功又及物丹砂和去聲靈劑一粒  
愈沉疴求者四方至應接運真悲平等均我施相逢惜  
已晚殘光念如寄何當擇深山同師樂禪味

清江臺致酒贈范希遠龍圖

攜手出烟霧致酒清江臺水淺橫沙露林疎遠山來白

鳥一雙落青猿三叫哀誰展摩詰圖而把淵明枯妙娥  
始七歲彈箏殷晴雷或如鸞鳳吟喚得陽春回主人亞  
父孫卓犖王佐才高談使我聽明珠欲傾懷爽魄超太  
虛月窟無飛埃一飲不知醉浩歌忘草萊遲明繫雙擢  
回首安在哉尺水公自養以待天門開

贈陳師道判官

自從梅老死詩言失平淡我欲回衆航力弱不可纜栖  
遲二十年時時漫孤噉忽逢陳夫子兩目海水湛為我

聊一吟粹芳超俗艷又如趙氏璧毫髮絕瑕玷愈多愈  
精好璀璨摘驪頤借令李杜在決敵未應敢低頭亟趨  
降吞聲就誅貶招來君尚謙且曰吾與點窮朝把樽酒  
金筇銀浪颭胡為眷幕府半百尚坎壈幽蘭沒蕭艾明  
珠混野炎何當叩相閣斯人願收斂置之翰林中萬丈  
看光焰

鳳凰驛

晚泊鳳凰驛得名知謂何鳳凰不可見篁竹空婆娑四

旁俱石崖一逕縈雲蘿慘慘陰欲雨淙淙澗跳波驛吏  
指英州兩舍皆平坡久寒無瘴癘虛市饒雞鶩我行既  
已遠樂少憂常多過江紅葉舞度嶺黃鸝歌時序逼衰  
老羽翰驚網羅一夕得佳處休馬聊獨哦

輪石

輪石如車輪削立萬丈壁湍流走其根倒影翠霧滴天  
公不推去此意人莫識雖無載輓功免有圓轉迹隔江  
欲登臨賃舟終不得既乏官長威人事輕遠客胡為秀

絕姿往往在幽僻童僕驚日晚策馬若相逼哀哉攜妻子未暇往棲息沉吟復回首舍旃欲何適

題清遠峽廣慶寺壁

平明下荒落晚投清遠峽銀潢注地來翠壁連天挿中含五峯秀寺載三車法龍歸石有痕犀躍無遺押直鉤誰得魚危磯待鷗狎長廊覽前題習之最為甲物理求其全用材無乃狹渾詩亦可取小雨纔一霎未能臻甫白源長流不乏持盃聊酌茗清風為停筵超然望日下

卷二  
嵐翠忽頽壓忍涕上孤舟低頭隨雁鴨

次韻穎叔修撰游朱明及字

朱明洞天門元戎要客入誰云蓬萊遠浮丘果相挹如  
超頓地禪曾不假梯級綠篁隔蔥蒨沈瀝朗呼吸玉山  
有嘉禾鳳凰乃來集桃李爾何知濯濯紅露泣應嗟塵  
世人牕間白駒急行樂如之何不樂嗟何及

五仙謠

番禺五仙人騎羊各一色手持六鉅穗翱翔遶城壁翩



然去乘雲諸羊化為石至今留空祠異像猶可識曾聞  
經猛火毫髮無痕迹五仙寧復來三說頗難測只憂風  
雨起半夜隨霹靂君不見羗廬劉越之洞天萬象森羅  
無一尺

誌游呈蔣帥穎叔

焚香瞻五仙登樓瞰滄海題軒名雙林却酒飯蔬菜

五仙

觀小海樓興  
化寺二軒

還趨法性寺爛漫登幽晦房公潤經處蘭

茝遺芳在

房融潤色  
楞嚴之地

老木已千年成林播佳話

藥止所  
種云此

樹下常有菩薩  
受戒度人成林

危壇半頽缺曾傳祖師戒

即六祖也今  
為乾明禪師

達多與藥止古像各瀟灑歸時已殘陽心淵生沆瀣蘭  
亭世俗飲尚足傳異代佛境清淨緣浩劫永不壞聊誌

一日遊結交向方外

是日與穎叔  
二人者同遊

再和穎叔誌遊

君為五羊仙我效退之拜默契如來禪安用傳畫繪滄  
海雖云濶萬里有限際

音債

諸從造物論一瞬即破碎靈

龜胡為乎鑽灼爛腹背生能發幽寃神理助奇怪

見五  
羊天

慶觀  
龜事

曉投古寺食葷味不如菜摩挲庭下碑百歲蒼蘚  
晦忽逢潤經處房公儼如在度人要成林今已播禪話  
勿為殺盜淫佛勅所告戒種子積無明應須法雨灑幸  
陪蓮社緣彼此吸清瀝噫嗟繫軒冕憔悴塵垢態一朝  
趨地獄苦惱孰肯代瑩如摩尼珠誰使濁水壞與公誌  
斯遊浩蕩形骸外

獨遊藥洲懷顥叔修撰

驅車何所適獨往觀藥洲荒蘆喧鳥雀怪石森龍虬大

亭挿層城玉虹跨深溝雙門控西渚

石門也

九星聚中流

九曜石也

其名何壯哉像貌儼可求銀王卷國去故物惟此

留滄溟霸氣滅落日孤烟浮空畦已無藥草蔓春柔柔  
常年一百五載酒傾城遊炎炎二聖作德澤覃海陬大  
帥用文儒靜鎮十五州諸公握鴻筆剡辭揮戈矛仍要  
水宮月一笑挹浮丘蓬萊自茲往穩踏金鼇頭

九曜石奉呈同遊蔣帥穎叔吳漕翼道

番禺西城偏九石名九曜危根挿滄浪古魄鎮臨眺何

人試巧手鑿此混沌竅森森毛髮散偉偉儀形肖蔥蒼  
翠霧濕玲瓏秋月照痕添海潮上聲酸朔風叫龍歸憂  
利劍龍泣怖長釣曾非借霹靂安得離巖嶠菱溪與太湖  
所得信未妙誰將置濠隍我願植廊廟堅貞以類舉邪  
僻令遁跳濡毫勒陰崕卑語君莫誚

和穎叔遊浮丘觀

潭潭洞天門孰出朱明右突起雲翼張竦見冰骨瘦飛  
仙時往來別有通海竇此事僅傳聞世人豈能覲歆蒼

榛棘合壤壁青紅  
舊汲泉煉丹處  
頽廢無完甃  
不逢博  
物人妙跡  
誰復究  
黃冠稟使者  
乘時力營構  
飛閣凌滄  
波  
誅林逐羣狄  
松蘿翠欲滴  
蘭茝芬可嗅  
秋蟾助餘皓  
蓬島分小岫  
披披宿靄散  
泠泠諸籟奏  
超然俗慮息  
揮  
手出宇宙  
況逢老集仙  
氣奪天下秀  
落筆誠千言  
霹靂  
震白晝  
于茲惜分攜  
作心須摻袖

穎叔招飲吳圃

五鼓開畫戟  
平明出重闔  
小橋分野徑  
吳圃會衆賓  
菴

禹二月尾落花已無春唯有薔薇水衣襟四時薰短垣  
乃浮丘樓觀何斬新我公發幽晦輸金走車輪蓬萊飛  
一島雲外拖晴紳此景在眉睫圖繪未必勻從來不彈  
弋傍砌鳥雀馴寄語北海若停風護松筠負才詩傲敵  
縱酒吞湖漚酩酊安足辭不飲終成塵逍遙一日事浮  
脆百年身何須跨黃鶴追彼瑤池人但當聽公歌賣交  
斥張陳達道齊生死筆端真有神揮灑十八韻一一無  
價珍老彼杜工部玄哉揚子雲

鵲奔亭呈帥漕二公

新江自南來西與端江匯寒光入靈羊一碧浸羅帶屹  
然鵲奔亭遺音溢千載羽儀莫可見窈窕想殊態遭戕  
瘞同坎襦布久不壞訴冤如生平隱顯一何怪讐人闔  
戶戮化質搏風快且將憂患辭浩蕩烟霄外鳥飛并劍  
躍類與神靈會物變固難窮撫事增感慨周侯昔行部  
美績此尤最江生引為言建平平捐罪宋興跨唐虞乾  
坤正交泰皇華命俊哲枉橫無纖芥琳瑯斯亭篇證古



欲陳戒殺人貴滅口覆族竟自敗姦諛誅既死潛德發  
幽晦堅珉可磨鵠榮光庶長在

端州逢故人劉暉光道致酒鵠奔亭作

貴池昔分袂端江復傾蓋屈指十六秋華髮驚老大雲霄  
邈功名荆榛森患害衆人皆欲戮出門即有礙

上杜句  
下孟句咄哉不

復道致酒强度高會蒼梧帝魂寂鵠化遺亭在翠葆櫻玉

簪金鱗躍羅帶

韓云江似青羅  
帶山如碧玉簪

風澄嵐靄散權擊天影

碎往古忽已空來今竟何待勞形百年間投足萬世內秋水正

瀾漫醉瞻逐澎湃一絲攜六鼇猛擲滄溟外

將歸三首

春田豈不美春園亦可佳田水流決決園禽語喈喈荷  
笠復攜鋤動作頗自諧隣叟三五輩擊壤歡無涯撫仕  
四十年志運良已乖許國既無補陷阱幾沈埋皇恩湛  
昭洗印綬蒙優差內循齒髮衰愧彼英俊偕休焉保其  
終飛章乞殘骸將歸樂復樂清風掃孤懷

結廬謝山下門荒蘿逕深寂無車馬跡而有猿鳥音高  
峯落日盡遠壑歸雲沉死生一吾趣長嘯忘頭簪勇往  
復此樂俯仰安可任

三

垂老度庾嶺西江守端州逾年忝祿食歸思忽驚秋結  
廬丹湖邊種橘菓屢收掛冠已不早懸花隨兩眸休休  
保殘齡擊壤歌皇猷有兒集吏選餘事復何求回首天  
地恩暝目終難酬

贈上藍晉禪師

泐潭月公晦其禪妙諸方傳之晉伯明獨步入豫章一  
登上藍座日月迴輝光問法瞻丈室方廣不可量人人  
得甘露灌頂心清涼又通世俗書落筆皆文章衆鳥難  
悉名卓然唯鳳凰羽儀下雲霄五色在山岡先帝昔臨  
御京城開寶坊明詔求法才衆老爭低昂惟師不妄念  
安之如太行乃知北遠師駕幸不下牀所傳信非訛千  
載兩相望篁竹駕清風喬松裒寒霜回心剃鬚髮永願

陪翺翔

望廬山懷陶淵明

羗廬初在望復憶柴桑翁  
醉來卧磐石悶默天地通  
不入惠遠社自彈無絃桐  
悠悠出谷雲漠漠栖林風  
傍巖片月白落磴寒泉紅  
此意非眺聽遙知與君同

追和韋應物廬山西澗瀑布下作

徘徊西澗下聽泉濯煩襟  
煩襟遂蕭爽妙音非世音  
不知岐路絕貪玩烟蘿深  
斧斤未嘗入高材自成林  
鶴鳴豈有

金三石月合三言  
卷二  
怨雲去本無心寥寥陵澗寂古意難追尋

宿栖賢寺

遙憐李太白吟望瀑布水不知三峽流翠灑虛烟裏雄  
聲雷雨驟遠響松風靡誰留千丈虹長在雲根倚遂令  
車馬來朗瞻樓殿啓明明銀色界浩浩蟾波洗居中梵  
天衆聞思悟玄理長老乃摩詰取供在彈指普薰毛孔  
香真寶超凡鄙病夫寄一榻清冷濯心耳飄然睡鄉去  
策杖中夜起不能跨鯨魚揮筆信非美

宿歸宗寺

曠懷王逸少宅地如翔鸞池水至今黑云是墨未乾施  
作金仙宮樓殿排羽翰銀榜留飛鳥玉唇吐驚湍耶舍  
寶塢近筆挿青雲端貝葉五千書兩藏龍鱗蟠鐘磬遞  
虛籟松杉扶歲寒護持不變滅鑪烟晝漫漫暫遊寄僧  
榻翛然心界寬愧無驚絕草付與蒼崖刊

送許栖墨道士

結廬守親塚淡食畢喪制焚香誦寶經傾悲拔冥滯神

明扶孝思肌髮保陽氣支離僅不死鄰里為歔歔條然  
叩予門殷勤謝銘誌袖攜一幅圖離坎備形勢明堂正  
丘穴松檟列新翠身雖離塚旁披圖即流涕拏舟遽言  
別諱日仲春至酌水採嘉蔬藉草具嚴祭又言廣栽植  
薄取歲時利事死如事生終焉達斯志儒者似君稀况  
復褐冠類誰為孝子傳吾詩信無偽

新昌吟寄穎叔待制

元祐丙寅冬新昌有狂冠名探其姓岑厥初善巫咒南



民欣尚鬼來者爭輻輳經年惑羣衆詭術遂潛搆摧城  
止三關排鋒唯撒豆竹竿變鎗旗銳兵莫吾關此事古  
未聞造意無乃陋蚩蚩彼何知丁壯擁前後長驅向城  
郭塵土翳白晝刺史亟閉戶神理默垂祐城頭無百兵  
坐待五羊救賊中衆所見戢戢羅甲冑須臾薄音博寒陰  
凍立多僵仆平明若鳥散賊本未遑究權帥計倉卒遣  
將速誅蹂貪功恣殺戮原野民血溜嬰兒與婦女屠割  
僅遺脰傳報及南昌新帥若烟走

穎叔至洪聞報即星馳度嶺有詩云六日

聞賊報七入境亟止殺渠惡用機購逾旬果獲深腰斬日走如烟

餘悉宥朝廷方好仁帥畧實能副臺章請褒賞詔語優

以懋撫綏聊借才侍從爾來復身居江湖上名近日月

右

已上畧制詞中語

麟兒隨飛龍

戊辰季嗣遂登科

陰隲資貴富彼美

南山松落落千丈秀終為廊廟器未許連城售吳毛持

漕節文彩爛錦繡發為新昌行洪鐘待誰扣我將磨蒼

珉為公悉鑱鏤

運判吳翼道毛正仲皆作此詩為帥賦之並刻石立於新昌之使廳

送胡推官赴無錫丞

愛山不離山君來訪山間山間只欠水聽君語潺潺滋  
我山色秀洗我塵心煩如何遽言別鸞驂欲翩翩試才  
得佳邑割雞鳴刀鏤雙親尚未老伯氏趨朝班藍田王  
一雙浮出濡湏灣天作王者瑞寧獨名鄉關自憐困已  
甚風流邈難攀新詩尚可寄秋鴈無空還

送胡與幾被召赴闕

嗟我老已疲掛冠歸舊廬素乏二頃田無可把犁鋤窮  
年小山下獨伴千卷書作止隨古人襟懷稍欣如又無

樽中酒能延故人車感君數相過氣豁眉宇疎天馬出  
月窟回薄萬里餘其才無不宜祿仕猶拘拘忽聞明廷  
詔一節馳輕輿往必陟臺省公言壯皇圖潛心救世弊  
旨意為身謨法密吏愈偷食衆財益虛末大本漸弱豈  
在專防胡指瑕一二人此事尤可吁細碎何足論綱舉  
民不踰譬彼脉已病其身尚膏腴要當速內究珍九應  
時須良醫望數公潤澤回焦枯願如范文正挺持真丈  
夫老死見太平委棄甘路衢

送馬東玉朝散還朝

秋空若明鏡雲物瑩可數臨高送遠發  
况復瞰牛渚崔嵬水帝宮半出燃犀浦  
橋基挿波瀾王氣逐龍虎歸艤豈能留  
兩漿幾欲舞重光瞻舜日羣材入天罟  
眈眈馬東玉松柏耐寒暑五載佐吾邦  
大匠善規矩仁民而愛物巨細各有補  
宴閒集賓朋風流照樽俎能詩又敏速  
往往造險語交章久薦達名聲動寰宇  
宵中蟠虹蜺行矣須一吐伊予百無堪  
投老尚好古垂竿魚未食茹檠

口忘苦唯君最相知稱謂等鮑庾君歸我何適形影守  
溪澣時寄一行書焦枯望霖雨

謝涇川宋宰惠近詩

不到涇上邑倏忽二十載環山敞樓閣金碧想未改長  
溪拖翠玉洗月發光彩秋聲咽松杉夜氣馥蘭茝白鳥  
自成羣黃猿行作隊仙人控鯉去巖下遺跡在猶疑深  
雲中彈琴尚相待唐儒工翰墨石壁露璀璨意有神明  
憐塵蘚不得浼地勝來俊哲宋子今出宰公餘綴吟筆

爛漫排珠琲又如崆峒兵百千森甲鎧寄我數十篇脩  
然起沉痾胷中強搜抉舊學久荒餒欲追天馬蹤蹇蹶  
竟難逮撫卷懷昔遊魂魄飛黯黯何當裂雲牋看君吐  
江海

寄杭州天竺辨才大師

我聞辨才師解空稱第一病子得摩頂其疾頓若失救  
物運真悲了心非幻術聲名動寰宇退身性愈密我我  
龍井峰篁竹不透日終朝無來賓筇杖自橫膝此道何

寥寥差肩佛摩法無生無不生一以貫禪律安得兩羽  
翰歸飛參丈室稽首慕高峯天地相終畢

送外甥法真一師

仕祿不及養勇往學金仙棄家如脫屣壞衣披稻田見  
汝若見母令我涕泗漣我方齟齬時巨獄遭摧顛汝母  
挈我往西江赴臨川愛育比其兒衣食無頗偏追隨二  
三載思親我言還是時汝未產顧今三十年汝壯我已  
老死者歸重泉悠悠記昨夢幻妄真可憐汝能逃世累



趣尚固已賢京華勿久棲還當擇深淵返窮生死本勿為  
言句纏拭我衣上淚贈汝金石篇

送甥沈濟秀才下第南歸

炎風吹黃塵去興不可止丈夫固有命得失致悲喜何  
當永相將錫山酌泉水

送胡子企大夫還臺

聯鑣出梅山倏然二十載君常佐天府我遂泛雲海音  
書魚鴈絕夢寐想風采高車忽來過笑語殊璀璨故交

悲相忘而君獨不改天王堯舜資化柄付良宰網羅收  
鴻鵠臺閣茂蘭茝君歸必殊顯發策救民瘼形容入凌  
烟丹青永無免使我觀太平白首甘凍餒

投宿繁昌徐氏水閣

東池種蓮子西池養肥魚盈缸釀美酒滿盤具新蔬客  
來徑一醉疑是桃源圖此事未足議弟兄皆業儒大弟  
已登科高名動鄉閭季弟復連薦豹變應時須長兄恬  
自養雲卧隨卷舒物至我則應隱德良有餘客有醉吟

叟六月騎蹇驢避暑尋名山遂登君子居飲弄池上月  
一宿能清虛相看不相厭欲去且踟躕

和姜伯輝見贈醉吟畫詩

蒼崖一萬丈中寫白玉泉飛鳥度不得而我長攀緣洗  
盡心地垢吟成元化篇更復有何物一樽當我前忽逢  
姜伯輝爽量涵水淵開談了無跡所得全於天便欲脫  
青衫泛我江東船結交要終始相忘復頽然徑呼妙手  
畫秋江霜景全冰輪正卓午照影無頗偏誰能騎蹇驢

世路空留連咄哉可以往揮手從飛仙

觀唐植夫所藏古墨

黑龍蟠黑雲久蟄黃金闕緣何落人間數餅若古月蝦蟆不敢蝕利刀豈能截溫潤比方玉芬香麝臍裂乃知廷珪名桓桓久不滅植夫名世俊

彥範之子

所蓄號奇絕護

以紫錦囊篋之復扁鐫渺思五季亂江南頗偷逸三主皆能書撥鐙聳瘦骨一朝歸大明流散餘故物金華座右銘清涼自題佛二寶藏予家時時一披拂及睹植夫

黑清風愈飄忽異國想塵勞精靈豈沉沒聊為識古篇  
分手各蕭瑟

酬富仲容朝散見贈因以送之

牧之吟齊天太白詠秋浦至今三百年光焰不埋土我  
朝文愈盛往往出前古仲容生相門璨然鳳凰羽作鎮  
簿書閒盈編金玉吐牧之何足論白也真爾汝一朝解  
符歸暫泊采江潯肩輿過蓬華高談辰及午洗我塵坐  
聽不覺歡欲舞又如熟黃梁連食釋飢苦昔聞鄭國公

片言靖疆圉廟食配神宗昭昭仲山甫今逢族弟賢家  
法中規矩郎省寧淹回徃自結明主不惟蕭唐家繼踵  
登相府請驅千里雲時作三日雨

宿鍾山贈泉禪師

夜半松柏響繞巖鸞鳳音披衣送遐盼明月方庭深樓  
殷遍瑤層寶塔樓中岑定分付赤刀世故仍癡淫六朝  
遺破塚四聖崇幽林香廚飯玉粒千歲閔于今況逢大  
道師妙傳諸佛心其徒五百人坐忘靜沈沈寶光泳琉

瑤永無塵垢侵何以明歸仰頓首興微吟

送倪敦復往池州決獄

忽領外臺檄離家不辭艱破雪涉遠道侵星出重關提  
刀聊四顧決獄談笑間旦經五峯寺遂發九華山朗飲  
雲泉秀妙依松石間琳瑯如得句先寄南風還

送敦復至觀音寺再用前韻囑別

太道既如砥安輿寧險艱通溝水決決出林鳥關關紫  
詔下天外黃氣生眉間歸當趨玉階豈容眷名山接物

齊彼分存誠肅吾閔我心如路草願君與春還

陶然軒呈孔掾

我醉不在酒心常醉於天出處無固必四時任陶然世  
網誰拘拘冥鴻自翩翩隱凡樂吾樂陶然名此軒採掇  
富菊紀分香籍蘭荃啼鳥助春喜相呼語涓涓好風集  
清微時寫朱絲絃秋月瑩池上臘雪堆簷前客來亦把  
酒客去醉還眠為君發短調意將千載傳

青山續集卷二



# 欽定四庫全書

集部

青山續集卷三  
四

詳校官庶吉士臣初喬齡

侍讀臣孫球覆勘

總校官庶吉士臣何思鈞

校對官編修臣秦泉

謄錄監生臣華春芳

欽定四庫全書

青山續集卷三

宋 郭祥正 撰

古詩

越州飛來山

物之體性重惟有石最堅迴風捲黃沙直下萬丈淵如  
何崔嵬山乃解飛青天瑯琊超會稽道理固甚懸想當  
初來時詭異可得言豈非巨靈擘或謂秦帝鞭雷公挾

電母歛霍相後先夸娥負崖脚天帝撮其顛北斗借神  
兵虎豹下九關海王驅魚送百里聞腥羶悲號與慙喘  
灑汗成流川呼雲以自蔽日月不得宣棲鳥失其巢哀  
哀啼白猿草木困擺撼枝葉半不全置之秦望陰百怪  
散寒烟有龍走不輟化作錦色鰻攢身入竅穴噴出清  
冷泉都人駭相報平地見巍然既來亦能去惟恐復騰  
騫浮屠鎮其上副以屋蟬聯朝吟諸佛經暮講西方禪  
以此相繫縛羈孤幾千年我聞已有日今朝始攀緣高堂

置美酒遠目凌孤鳶老僧為我說指畫當我前是否難  
致詰且進黃金船

和常父寄經父

候得早潮來江邊風又起錢塘與海接浩渺無涯涘長  
鯨呼鱷魚蛟龍正掉尾豈惟波浪聲號泣半溺鬼臨流  
不敢渡尋尺如千里倏幸亦可往無力觸萬死蕭然古  
山根客棹於此艤吳亭明可數游觀信為美安敢慕紛  
華而不重行止回首卧龍居想在青雲裏相思寂寞晚

誰伴西樓倚

見潮

朝亦見潮來暮亦見潮來維舟不敢渡西望興悠哉

秋夜舟中

昨夜強風萬弩過舟中側聽披衣坐秋來已覺陰氣繁  
晨興更見波濤大衰梧弱柳不足數脩篁摧折幾百箇  
飛廉鬱然方用事一威能令萬物挫人言風怒未渠央  
我觀暴忽勢不長會見平川淨如鏡刀魚鳴榔過錢塘

和常父望吳亭

深灣謂無風試向江頭望  
混混過新潮我起層浪前  
驤復後踊極力不相讓  
踏落皆有聲擺觸頗用壯  
游龍出髻鬣怒馬軒頸項  
紛紛白雪外疊去不知向  
勢將銀漢接高與海門抗  
吳城挂水墨越佑增悵  
悵我欲絕橫流忠信固可  
仗丈夫七尺軀魚腹豈易  
葬緬懷馮河戒艤棹未敢  
忘夜夢大樽浮東行視溟  
漲入宮謂陽侯舉袂揖伍  
相問其孰呼吸乃使此倔  
強謝云天所為茲語

吾恐妄却欲詰蒼蒼無梯不能上

和常父初五日渡江

半旬治西陵霖雨注船屋昨日風更豪江邊拔長木初  
宵尚哮吼海水皆倒颺向晚稍蕭條飛廉想遭戮重雲  
掃陰晦皎皎見星宿大哉天地內變化反手速我行不  
憚早畏此潮信促刀魚頗輕捷舟子短結束十夫共一  
艣喜噪若趨陸船頭列火炬幕下燒絳燭蛟龍睡方醒  
水陸駭竄伏吟哦未及終已在吳堤曲青山繞逶迤樓

閣媚初旭錢塘雖舊遊夢想常在目便當跨月輪俯耳  
聽清瀑重陽復不遠共采巖前菊

遊六和寺

同尋六和寺去旁蒼崖行崢嶸石林氣瀲灩流水鳴見  
此俗慮減入門心更清盤空到窈窕小憩山前亭天晴  
修竹外颯有風雨聲僧云金魚池近日秋雨足餘波落  
清壁散作雪色瀑徐興視其流登高穿屈曲忽逢白練  
飛碎點濺珠玉清冷振毛髮瀟灑盪心腹金魚在何處



演漾戲平綠鱗鬣老愈黃點漆作雙目憶為兒童時嘗  
戲此池旁聞人說金魚已謂百歲強今踰二十年僧死  
草木荒此魚尚無恙纖質不改常謂魚非靈物安得擅  
久長四海波浪高三江網羅密長鯨喪明珠幽暗無白  
日我疑龍變化就此溪中逸紛綸乾坤爭浩蕩風霆出  
何如守一泓無得亦無失

和常父湖州界中

常民踏車將納水今民踏車將出水大田不復見溝塍

洪潦汗漫連千里昨在會稽固已聞湖州春雨夏不止  
吹堤卷石冒城郭餘波之瀦此乃是至今蒲羸在民屋  
塚樹伐盡生葭葦茅簷破漏不暇完父子斃斃瘦相倚  
西風搖落天地秋下汙上菜無所收新田今已不可種  
問民出水將安求水乾魚鰕或易得且以咀嚼充飢喉  
貧者往往鬻兒女征繇紛紛復不休我從農夫遺斗米  
自顧飽食誠堪羞四方近日窮苦乏嗟我有意奚能周

戲張子厚

子厚誇善碁益我以五黑其初示之羸良久出半策波  
衝與席卷揉攘見敗北我師如玄雲汗漫滿八極子厚  
若殘雪點點無幾白是時秋風高萬里鷹隼擊鷦鷯伏  
深枝顧視頗喪魄勒銘亭碑陰所以詫碁客

泛漣水

漣漪二十里清淡得我性微風不復搖天水相與淨秋  
容入崖柳晚色依漁艇髣髴會稽遊南湖似明鏡  
楊道中同行而追隨不可及聞先生在海州

紫芝眉宇不可見一葉小舟如掣電青山雲外半出沒  
白鳥溪邊空絢練朝行蒼莽帶殘月暮宿蕭條聞落霰  
豈無斗酒為君傾起望滄波隔長堰

日出

仲冬十一月我行赴高密路出東海上晨起駭初日騰  
騰若車輪只向平地出較於昔所見得此十之七蟾蜍  
尚弄影皎皎橫參畢輝光一迸散夜氣掃若失扶桑想  
可到俗慮苦難訖壯觀曾未厭側歎流景疾

早行

此篇文鑑所載稱經父詩據孔氏遺藁乃毅父作遺藁毅父親筆當以為是

客興謂已旦出視見落月瘦馬入荒陂霜花重如雪海  
風吹萬里兩耳凍幾脫歲宴已苦寒近北尤凜冽况當  
清曉行邈此原野濶笠飛帶繞頸指強不能結農家烟  
火微炙手粗可熱豈能迂我留而就苟且活仰頭視四  
宇夜氣亦漸豁苦心待正晝白日想不闕

夢錫惠墨答以蜀茶

墨者質自黑黑者墨之宜所以陳玄號聞之於退之近

世工頗拙取巧惟見欺摹成古鼎篆團作革靴皮揮毫  
見慘淡色比突中煤誰最畜佳品鄭君真好奇贈我以  
所貴有不讓金犀堅如雷公石端若大禹圭研磨出深  
黝落紙光陸離較之囊中舊相去乃雲泥辱君此賜固  
以厚何以報之乏瓊玖不如投君以耆好君性耆茶人  
罕有建谿龍鳳想厭多越上槍旗不禁久我收蜀茗亦  
可飲得我峨眉高太守人情或以少為珍心若喜之當  
適口更憐此物來處遠三峽驚波如電卷江湖重覆千

萬里淮海浩蕩漣漪淺舍舟登陸尚相隨今以答君非  
不腆開緘碾潑試一嘗尤稱君家銅葉盞

夜聚揚節之秘校解廚

雲亂海天低風吹馬耳破黃昏訪主人同向幽齋坐談  
資綠酒長歡敵紅裙坐倒載夜深歸雪花如掌大

止謁宣聖廟者

高密古名城其地近闕里絃歌聲相聞往往重夫子學  
官雖荒涼廟貌頗嚴偉上元施燈燭下俗奠醪醴高焚

百和香競熬黃金紙所求乃福祥此事最鄙俚朝廷謹  
庠序五路茲焉始建官以主之不肖實當此澆敝皆掃  
除安可循舊軌丁寧戒閹人來者悉禁止嘗聞諸魯論  
丘之禱久矣生也既無求沒豈享淫祀夜亭甚清虛古  
栢自風起悅之以其道吾祖當亦喜

還楊秘校賦

楊君示我賦一編讀之百復不能已新詞琢就若瑤琨  
故實織成侔錦綺可憐苦心自少年近日改科無用此



雖然君才頗富膽貫穿縱橫惟所使有如安車馳大道  
左驂騂騮右駟騏驎東西南北皆可往但顧欲適何如耳  
勉旃力習以待舉尺一佇聞招特起他時名望壓盧駱  
濶步青雲此焉始

常父寄草

此物固已美採之從歷山蒙兄遠相寄深意在加飡冷  
落糞鹽地蕭條蓬艾間書云次越品寧復昔時歡

讀莊子

損此以錙銖益我以千金豈足為輕重徒能勞爾心覆  
彼以狐貉蒙此以絺綌豈足為厚薄徒能損卿德南山  
有鷲鳥睥睨天地秋有意橫八極固非守一丘老鷗嚇  
腐鼠安可施於此鴛鴦尚不屑况非鴛鴦比

郡官送楊文思獨以事不赴

忽忽行人行車馬已在坂主人留客止客畏白日晚陽  
關發哀唱春物况滿眼城中流水長離恨不可浣我雖  
居學宮不往若疎懶斯心獨搖搖送客千里遠

夢錫揚節之孫昌齡見過小飲

夢錫更時事恢然君子儒節之瓊樹枝秀氣發扶疎昌  
齡出相家謙謹乃繩樞三人于交游得一固有餘日暮  
俱訪我止駕共躊躇四天忽陰沉風聲若江湖寒色尚  
可畏促膝同附爐高密酒雖貴為君開一壺拳栗自東  
越殷榴從上都羹烹歷山葦膾斫注溝魚鮮蛤實海錯  
肥羊非市屠後食淮南蓴此皆比所無主人不敢愛且  
以為賓娛夢錫飲中豪節之亦其徒昌齡稍姦黠我勸

勢頗龐左手扼其肩右手進觥孟勉強為我盡淋漓滿  
衣裾醉坐各忘去蓬燭已見跼幽談入鬼怪巧詭相挪  
斂勿言輕此樂此樂勝笙芋明朝酒醒後相對禮如初

夢錫遺蔗

憶昔遊五嶺甘蔗彌野濶一來瑯琊城此味久所闕商  
人自東南駕海連天筏所致雖不多愛養尚如活旁求  
未得之分遺意特達中凝甘露漿外削紫玉滑漸欣入  
佳境仍喜對高節應知方著書持此解消渴

呈宋思叔縣丞

宋君我未識名譽素講聞海上一邂逅歡然如故人相  
交但數語所見已終身固非輕許與亦有白頭新之官  
頗迫促折柳長亭春馳情自今始悵望西南雲

寄舍弟

西園草碧色南湖水綠波五意亭上意爭奈艷陽何

二月一日

春時雖已半春色猶尚淺海上冰霰多城中花木晚今

朝天氣始微晴萬里東風照眼明南河截水共遊眺好  
約扁舟載酒行

收家書

早承會稽信晚接清江使兩地千里餘尺書同日至既  
知骨肉安復得鄰里事丁寧問兒女委瑣及奴婢開包  
視封題親故各有寄牛狸與黃雀路遠不易致東人罕  
曾識專享無所遺豈徒抵萬金鼓腹快異味

春天

春天酣酣睡最美日轉花陰猶未起須臾夢覺聞風聲  
波濤翻空千萬里出門四望氣慘慘寒色射人如潑水  
旋見大雪落交加向晚綏綏尚不止游絲柳絮復何有  
百鳥卷舌愁欲死陰陽變化固有漸乃何暴忽有如此  
清江野客心傷悲寂寞無言對桃李

觀舞

宴館簇金絲繡茵呈舞旋雲鬟應節低蓮步隨歌轉勢  
多體不犯妙絕乃習慣含笑有餘情小揖更微盼

寧采

寧采糞上英莫折園中柳人情愈薄惡變態在回首紛  
紛苦相攻把臂曾締友陰機多鬼禍似此奚可久巧言  
奮南箕定籍挂北斗豺虎雖不食且使鳥啄口

城南

密州三月猶有寒地平更在大海上昨朝雨上氣已晴  
今日繁陰北風壯城南感水傍城流幾處垂楊繫小舟  
傳聞寂寂無車馬紅杏天桃各自稠

欽定四庫全書

青山續集  
卷三

十三



言若這三在兔戶三以言一人予進入這點有一

枝贈別

不能送行客贈以綠楊枝試看青青眼此心當自知

春風

春風掃浮雲萬里青天出三星次第陳明月入我室昨  
宵苦陰雨並坐不見膝相去能幾時皎皎如白日

送夢錫往齊州

望君之行車既遠目亦收惟有隨君心千里不能休我

兄在歷城相別歲已周音問月三四東西交置郵豈如  
一相見君今涉其州為我道亡恙深言致綢繆先馳魂  
夢往迎子鵲山頭

晚出

空城鳥欲棲漸夕收寒暑槐葉綠生風椿花落如雨出  
門何所適有口不敢語披豁向青天望銷雲一縷

常父寄半夏

齊州多半夏採自鵲山陽累累圓且白千里遠寄將新

婦初解包諸子喜若狂皆云已注繁無澤可以當大兒  
強占據端坐斥四旁次女出其腋一攫已半亡小女作  
蟹行乳媪代與攘分頭各咀嚼方愛有所忘須臾被辛  
螫棄餘不復藏競以手捫舌啼噪滿中堂父至笑且驚  
亟使啖以薑中宵分稍定久此燈燭光大鈞播萬物不  
擇竄與良虎掌出深谷鳶頭蔽高岡春草善殺魚野葛  
挽人腸各以類自蕃敢問孰主張水玉名雖佳神農錄  
之方其外則皎潔其中慕堅剛奈何蘊毒性入口有所

傷老兄好服食似此亦可防急難我輩事感惕成此章

送董監簿赴舉

西風槐半黃行客車馬動揚鞭望都城壯氣不可控朝  
廷新改科詩賦斥無用君能通古書義理頗折衷先鋒  
陳典謨後騎出歌貢以茲趨大敵坐可圖百中青春聞  
喜處醉弁宮花重去矣當自強勿作思歸夢

惜別為從道作

嘗聞直諒冠三友自古才難非特今今世脅肩事諂笑

君獨苦口工規箴我常從之求過失箕踞慢罵猶甘心  
其言未必俱中理披沙往往逢黃金今將去矣誰復嗣  
已覺別恨凌秋陰胸中抖擻宜一盡留作更見相思深

送從道

去年風雪攪天暗君馬區區之海涯今年苦寒又訪別  
正是去年行役時信陽雖遠重來得小桃常探春消息  
如今官滿去不返又見花開誰記憶乾坤浩蕩歸無鄉  
歲月崢嶸老相逼一官奔走隨所使後期會合知南北

篇詩惜別人少和須知此別真可惜黃髯半醉舌若蜚  
它日樽前無此客

出城

駐馬河之西送車皆已返郊原人漸少風物秋將晚身  
如獨鳥輕意與青山遠

迷途

吹燈治行裝戴月即前路深村苦多歧乃使行者悞東  
西皆可往曲折何所遇泥中虎鬪跡草木新封墓陰雲

忽以興四顧增恐懼及今亦誰咎初失在跬步林木杳  
崢嶸丘原莽回互雖聞叱牛聲欲問不知處

費縣

涂經古費邑遺堞草萊平東瞻龜蒙出西望顓臾城不  
擾以畔召仲尼猶欲行許由亦有塚子子何獨清

遇雨

客行日暮飢且渴况值漫山雨未絕蜀黍林中氣慘淡  
黃牛岡頭路曲折狂風亂掣紙傘飛瘦馬屢拜衣裳裂

記得默齋端坐時  
唯愛霧霏洗煩熱

宵興

宵興視星斗側身坐  
長歎秋風忽已至  
萬木鳴珊珊垂髻  
初執卷結髮乃彈冠  
功名當及時一失何由還  
丈夫惜少壯日月如走丸  
念躬累尚寡筋力無所難  
白首佩黃金意氣亦已闌  
所以飛騰心顧盼生羽翰  
詩入詠嵩高不爾歌  
考槃胡為爾未決碌碌守一官

呈夢錫



妻孥能相期每出必遽還如其歸稍晚必謁鄭推官

又

與君來往半歲餘三日不見已為疎入門褫帶不相揖  
下馬且復休僕夫形骸禮數不足問但論肝鬲之何如  
昨朝萬事俱撥置與子齋中同附爐去時苦寒冒風雪  
歸路清輝踏霜月但取樽前笑語歡豈知門外陰晴別

韓大夫城

大夫今安在唯有廢城存流水抱沙曲依依楊柳村居

者五六家荆榛深閉門青青麥隴直藹藹桑枝繁牛羊  
任所適僮稚更不喧啼鳥靜逾遠落花風自翻昔稱老  
農賤吾意堊人尊謀身莽無定太息視乾坤

青州作

京東地平夷自古四戰國九州此居三山海在封域北  
趨京洛近南卷江淮直富饒足魚鹽飽暖徧年麥英雄  
欲飛騰假此為羽翼隆準威秦亡金鑒伺唐隙方今不  
憂此所重只西北兵防最寡少主帥失銓擇蒿萊蔽城

隍繡溢滿戈戟慢為盜之資忽者禍所植吾視士大夫  
赴赴半雄特謠謠尚慷慨濶達本多匿腹心宜先安豫  
備乃長策東方頌太平我乃虞盜賊雖言亦誰聽痛哭  
損肝鬲

立秋日呈夢錫

今日纔立秋涼風已蕭瑟我不感時節念子行有日憶  
初同赴官相後惟一月子先脫然去我獨不得發江邊  
舍未完汴上生計足古之仕為榮今則富者福子隨鴻

鵲高我戀升斗食豈徒別離悲更有長太息

曾子固令詠齊州景物作二十一詩以獻

閱武堂

開拓乾坤遠歡娛歲序深堂前猶閱武自是太平心

閱武堂下新渠

東萊細溜長西去餘波漲能收四海心樂此一渠上

凝香齋

東郡經年久西齋一事無蕭然靜相對惟有博山爐

芍藥廳

芍藥花初發  
韋公詩思濃  
露紅烟紫句  
全勝綠盤龍

仁風廳

太守政如何  
茲馬名可見  
齊州一萬家  
揮以袞宏扇

竹齋

浙浙風敲韻  
亭亭日轉陰  
公應喜來此  
相得歲寒心

水香亭

龍頭落潺湲  
雁齒駕清淺  
夜闌氣益佳  
雨霽香尤遠

采香亭

芙蓉近可搴香草供幽賦公才奴命騷此是冥搜處

靜化堂

四境靜山川一枕閒風月野水抱城幽青天垂木末

鵲山亭

老杜詩猶在重華事已無千秋陵谷變塵起鵲山湖

芙蓉橋

出城跨峒崑驚目見花艷飛蓋每來游佳境此其漸

芙蓉臺

漾舟入芙蓉花亂舟欹側安穩此凭欄清香生履舄

環波亭

瀟灑塵埃外崔嵬清淺中四軒春水濶兩岸畫橋通

水西橋

景物此清淡幽尋當細論恐人容易過常鎖水西門

水西亭

河流春已深野色晚更靜生計慕園畦歸心俯魚艇

西湖

芙蕖十頃濶藻荇一篙深  
晚日江鄉景秋風澤國心

百花橋

花滿紅橋外尋芳未渡橋  
春風相調引已有異香飄

北湖

塵污遠已留淥淨此不雜  
僻招水鳥棲清數游魚鬣

百花臺

南瞻復北顧春水綠漫漫  
此地尋花柳全勝別處看



百花堤

花發紅雲合公來醉玉頽傍城行怯遠却泛小舟迴

北渚亭

高深極前臨蒼莽接迴眺齊州景物多于此領其要

又寄夢錫

自君卧漳濱我意恍若疾無人與笑言兀兀守一室當  
寢或不寢當食或不食有思氣填膺可駭幾戰栗想君  
端在家比我乃安逸妻孥以嬉遊簿領久閣筆南城趨

北城道路無所隔我豈無僕馬子不見賓客哦亭足清  
風林木助蕭瑟葵花無數開蓮葉亦已出起來定何時  
幸會能幾日已經芻白醪待子歡促膝

寄王達夫高密令

高城已吹角月暗星河落與子語不休青燈同寂寞平  
明車馬去忽忽一飯相邀不得同交情世契兩皆厚東  
望白雲千萬重

謁夢錫見几上粉箋援筆書此

飄飄

一作  
飄飄

雲容高慘慘日色薄此時駕君車去意不可

縛鳴蟬送淒切白露催搖落山城更海上觸目添蕭索

晚集城樓

高樓百尺脩木尾面對南山翠相倚凭欄談笑青雲裏  
秋標摩空日色死海風蕭蕭東萬里吹襟洗髻清如水  
下視黃埃濁波起車馬紛紜只螻蟻

陰山七騎

青羶作帽黑藥靴進退颯颯生風沙胡歌胡舞兩拜跪

問胡何為乃至此象胡之人假為之朱顏的皪秀兩眉  
手操弓矢仰視天如見飛鴈馳平川主稱此樂直萬錢  
坐客競飲黃金船世人見識無百年追歡取快貴目前  
當時被髮祭於野自非辛有誰知者

君住

君住水西我水東東岸波生西岸風哀哉中截錦繡段  
上襦下裳冬一半小星隆隆怒且鳴前驅貪狼後撓槍  
何如盡遣收芒角惟放當天皓月行

雞冠

我初種雞冠其小乃毫芒曾未得幾時忽已過我長根  
株既猥大枝葉亦開張吐花凌朝曦生意殊未央陰風  
自西來慚淡驅清霜一夜忽變故葉萎花已黃當此繁  
盛時為爾償壺觴及今乃腐草好玩安可常呼童盡翦  
拔昔恐踐踏傷庭除稍曠濶耳目加清涼竹枝久蒙蔽  
迴立獨蒼蒼

月三章

夜如何其月在隅問行何為乃躊躇海波壓輪不得驅中  
庭有客心不樂欲挽玉兔鞭蟾蜍

夜如何其月正美起視萬物如明水山魃避人鬼火死  
中庭有客立不移何暇眼力看箕尾

夜如何其月落愁光輝奄奄星益稠白雲擁漢波不流中  
庭有客心不樂放志萬里誰能收

代小子廣孫寄翁翁

爹爹來密州再歲得兩子牙兒秀且厚鄭鄭已生齒翁

翁尚未見既見想懽喜廣孫讀書多寫字輒兩紙三三  
足精神大安能步履翁翁雖舊識伎倆非昔比何時得  
團聚盡使羅拜跪婆婆到輦下翁翁在省裏大婆八十  
五寢膳近何似爹爹與嫋嫋無日不思爾每到時節佳  
或對飲食美一一俱上心歸期當屈指昨日又開爐連  
天北風起飲闌却蕭條舉目數千里

詠無核红柿

林中有丹果壓枝一何稠為柿已軟美嗟爾骨亦柔風

霜變顏色雨露加膏油大哉造化心于爾何綢繆荆筐  
載趨市價賤良易求剖心無所有入口頗相投為粟外  
屈强者所不收為棗中亦剛飼兒戟其喉衆言咀嚼  
快惟爾無所憂排羅置前列圓熟當高秋且以悅一時  
長久豈暇謀吐哉潰爛速弃擲將誰尤

寄從道

憶初撫掌笑嘗謂子猿猱斑然武而文譏罵舌若刀髭  
黃喉骨結內敏見秋毫論官則甚微意氣一何高今思



乃麟鳳百十未易遭子行白日靜回首常蕭騷聞子在  
定州深山坐披毛何如東海上萬疊觀波濤不見歲再  
晚北風方怒嗥圍爐奏美酒思子持蟹螯

食桃

翦彼十圍木架此百尺梁十圍不加大百尺不加長胡  
為被錦繡空爾飾文章根斷膚已剝至朽不復昌一作榮

食桃棄其核下與糞壤藏一作井雨露之所濡發生乃微

些回首枝幹大冉冉出我牆開花又結子意態何煌煌

出郭

出郭十里餘蒼莽迎遠目柔枝強崢嶸榆柳已老禿誰  
言未黍熟飢鳥不滿腹平時想郊居至此思邑屋北風  
吹層陰冉冉白日速及歸已云暮景色異初矚去年十  
二月踏雪茲往復嗟今再見冬回首如信宿

太守視新堂

遙遙元崇冑藹藹東州守留心學校事遇我若寮友蔽  
空起新堂鑿鼓百夫走枉駕親視之丁寧到櫟科北風

沙眯眼佇立相與久宴我登哦亭推我居席首初嘗百  
花釀肴藪無不有是日十月中新霜脫人肘醺酣一消  
鑠和氣回物朽昔人歌魯侯在泮嘗飲酒我今作此詩  
亦綴以厥後美哉姚侯政豈弟民父母此詩所不歌先  
已載民口

日月

月行一何速暫上青山還復落衆星厥弛不肯休參橫  
畢直爭頭角日行比月更疾馳一日一夜繞天圍光輝

所燭萬里同牆邊炙背快老翁

孤雁

空城夜已寂一雁度雲端汀州亦可至何不怕霜寒豈  
非防暗禍驚矯失自安孤音訴明月天高路漫漫以鷄  
置懷袖比汝乏羽翰蒙恩傍溫暖豈念宵征難

祈雨

皇天久不雨旱風滿東國春田廢鉏犁秋事闕年麥縣  
官緊租稅守令抱憂責交馳謁羣望不敢愛牲帛而我

處學宮于郡乃賓客霜寒怯早起卧聽車馬適方茲祈  
求急不預奔走役精誠獲蒙報豈不沾潤澤古有支離  
形亦有支離德而我頗施施支離在官職雖然憫元元  
覽鏡見顏色高詠雲漢篇千秋意悽惻

墻東新圃

平時乃糞壤此日遣把鋤豈徒植花卉兼列果與蔬去  
家無百步幽境若村墟君公茲避世聊慰憶荒廬春風  
尋細草夜月倚高梧穿垣置小戶直接東城隅

食鰕

風流東武鰕三月已看花及冬稍稍盛來日滄海涯味  
腴半附石體潔不藏沙被之以火光何幸掛齒牙一舉  
連十頭不復錄魚鰕海物類多毒惟汝性則佳漬水洗  
病眸七九為等差況今咀其肉課效想更佳劉邕最可  
怪辛苦剥瘡痂

食梨

東方早寒雪霜摯新梨十月已滿市削成黃蠟圓且長

味甘骨冷體有香芳尊命友先衆果百十磊砢升君堂  
贈君玉壺層冰之皎潔副以金莖皓露之清涼奈何撥  
火取煨栗梨雖至美或不嘗顰眉三嚙手摩腹謂此發  
病為第一奪之兒口錫止哭君不記南方無此物五更  
酒渴喚水時思此千里莫致之及今乃以多見賤南方  
橘柚東方梨

十月二十一夜

統統有如打兩鼓星河漫漫參在戶百鳥已栖人不行

西南洶洶有異聲有若鬼神移山嶽又如戰敗百萬兵  
出門望見乃火起椽落瓦裂咫尺鳴問之相去一里間  
紅光灼灼侵天明長烟涌波月魄死其間有物如撒星  
是時久旱水泉竭高屋一燎如毛翎小兒但知聚看笑  
不知擾擾人縱橫皇皇奔走最可念耿耿不寢心飛驚  
明朝出視火起處焦木頽垣不知數白頭老姥啼向天  
歎息之聲滿行路

觀馬騎



金匱要略卷三  
馬軍上馬挾角弓東西排列次序同鳴金一敲馳且射  
七十二疋回旋風黃塵紛紛有殺氣得雋聲呼動天地  
想見陰山血戰時出沒飛騰千萬騎

### 會食

學宮不置酒相聚惟一飯公家事何多客至日已晚乘  
飢騁大嚼美惡寧復揀僕夫無所餘顧我色不滿潑茶  
旋煎湯就火自烘盞從容共談諢熟視笑而睨昌齡豈  
其愠策馬獨先返

集于昌齡之舍

初筵悄無語良久歡意發就爐自溫盃覺此飲量濶既  
觀舞袖垂又聽歌聲闋醉心徒紛紜醉眼成恍惚勿輕  
栢直狗所負尚可悅當年入績事今日逼華髮愈令坐  
客心感歎惜時節夜長更恐曉起挽青天月

青山續集卷三